

四庫全書

史部

欽定四庫全書

欽定盛京通志卷十一

天章

二

皇上聖製

三陵祭文

祭文

碑文

欽定四庫全書

欽定盛京通志卷十一

天章二

皇上聖製

三陵祭文

祭

永陵文 乾隆八年

仰惟

皇祖瑞啟靈源肇基王迹高山荒作垂景福於無疆積德
累仁裕鴻圖於有永凡我國家萬禩休明之寶祚皆
賴

皇祖百年締造之宏規肆是眇躬誕膺遺緒睠懷

園寢時切瞻依茲循躬祀之彝章肅舉明禋之鉅典峯迴

長白念

堂構以欽承龍護

鼎湖撫栢捲而惕息伏祈

慈鑒尚

賜居歆

祭

永陵文 乾隆十九年

仰維

皇祖光啟鴻圖肇基帝業開先啓後詒謀衍萬禩之休道
積慶長申錫耀重光之運顯承丕煥繼述遐昌世德
綦隆發祥彌永洪規締造念

祖宗創業之維艱篤祐承庥知子孫守成之不易乃者肅
修祀事展禮

橋山當星紀之初周值明禋之再舉松楸在望瞻

闕殿以興思俎豆維馨佇

鼎湖而延企伏祈

慈鑒尚

賜居歆

祭

永陵文

乾隆四十三年

丕圖肇啟高山崇康作之基積悃期申

闕殿切遙追之慕際重熙於奕葉報本彌殷緬再莅於昔
年撫衷猶歉欽惟

列祖詒謀有秩佑緒無疆保世樂天逝矣作求之德錫光
篤慶昭哉對越之嚴昔

皇祖三詣

靈岑致慤而

孝思不匱登藐躬再修殷薦撫時而後見如親憶展謁以
迄今廿四載感深霜露凜承庥於永世億萬年業溯
邠岐當時之弘矢毋忘仰

遺弓而肅若此日之

松雲在望奠禋卣以悽然於戲思

積累之維艱續緒恒勤惕勵幸

監觀之孔邇升馨藉達忱誠伏冀

聖慈俯

垂歌格

祭

永陵文

乾隆四十八年

丕圖聿建億齡承

佑啟之恩殷薦虔申逾歲積邁追之慕欽惟

列祖樂天保世篤祐凝庥迹

肇始基復舊邦于一旅業

興繼治擴茂緒於三傳高山之敬仰奚窮

翼詒載德明命之光膺有截

宣哲垂猷瞻橫甸之逶迤溯朔而感同過澗陰神榆之盤
鬱升東而瑞婉扶桑肅修四謁之儀藉展五年之悃
於戲國殷憂而啟

聖艱難開必先之模

天全付以有家積累緬其勤之始尚祈

昭鑒俯

賜居歆

祭

福陵文 乾隆八年

仰惟

皇祖仁孝性成智勇天錫盡鯨鯢於朔漠捷伐用張訖聲
教於海隅版圖式廓經營締造致千百國歸懷恐後
之惓忱積德累仁啟億萬年悠久無疆之寶祚眇躬
纘緒念切維新肅舉明禋用申微悃松楸露列望
弓劒以增悲懷雲開撫

几筵而生慕伏祈

慈鑒尚

賜居歆

祭

福陵文 乾隆十九年

仰維

皇祖智勇天授仁孝性成膺聖武之姿值經綸之會威張
撓伐元功垂大統之基道著柔能景命肇維新之運

天心克享神器攸歸鴻績冠乎古今聲靈動乎天地藐躬
纘緒念切瞻依敬詣

橋陵用申祀典隆儀再舉稔櫛風沐雨之勤勞王氣周環
瞻虎踞龍蟠之勝勢肅

几筵而懷慕望松楸以凝思伏祈

慈鑒尚

賜居歆

祭

福陵文

乾隆四十三年

蘿圖世衍肇基敬溯夫兩京

松嶽雲封載謁脩逾乎二紀攄纘承之積企藉馨薦以申
虔欽惟

太祖高皇帝聖武開天英明啟運十三甲始征棟鄂揚義
問以常昭二十萬迅掃明師愴神威而無敵分旗拓
土遂成祖定之勲製字同文誕受維新之命

燕詒罔極

鴻構何勤思

創業之多艱披

實錄而惕衷倍凜荷

垂庥之有裕跂

橋陵而結戀彌殷自癸甲疊舉精裡展拜每隨泣下緬遼
瀋寔遺光宅慕思更與時深爰將肝蠶之忱用達夙
宵之悃於戲

隆恩永怙瞻

天柱而倍覺穹崇

祖武欽繩撫京邑而長懷

締造伏祈

慈鑒尚

賜居歆

祭

福陵文

乾隆四十八年

膺符啟宇奮百戰以勤貽奠肇抒忱望三霄而言結

欽惟

太祖高皇帝神明肇運聖武開天十三甲威懾無前指顧
風雲之合五十載徂維求定

躬親旄鉞之麾稽

實錄以摛毫書事則洪規莫罄繪

豐功于載旆披圖而舊蹟長新精裡自癸以重申四至還
逢紀癸光宅法乾而出震億年彌慎朝乾思宗器之
宜陳

冊寶敬分藏鎬邑緬

帝基之垂裕馨香用虔達

軒臺於戲占雲氣於東方統視殷周為倍正紹

天庥於右序

福偕遼瀋以俱長尚冀

恩慈俯垂

鑒享

祭

昭陵文

乾隆八年

仰維

皇祖世德作求用中建極訐謨炳耀鍾奕禩之嘉祥大烈
光昭啟方來之景運揆文奮武億萬年之寶祚申錫
無疆就日瞻雲千百國之人心歸懷恐後載考彛章
肇隆躬祀

珠丘在望瞻松楸以興哀

原廟如新展

衣冠而永慕伏祈

慈鑒尚

賜居歆

祭

昭陵文

乾隆十九年

仰維

皇祖聖德開天神靈繼體鴻基式廊經綸彌宇宙之間大

烈光昭禮樂備皇王之則內修文教外奮武威億萬

年之寶祚宏開千百國之來歸恐後

天人協應中外傾心肆是藐躬誕膺遺緒明禋再舉正逢
星紀之周豐鎬重經彌切枌榆之感

珠丘伊邇思

冠劔以興懷

寢廟常新肅

几筵而景慕伏祈

慈鑒尚

賜居歆

祭

昭陵文

乾隆四十三年

丕圖敬紹艱難思啟宇之年夙悃長縈盤薄企鍾靈
之壤惟吉蠲之是享庶

陟降之非遙欽惟

太宗文皇帝創業詒謀乘時繼志東都式廊席

前勲而瑞璽初膺南漢徂征揚我武而堅冰徑度既大畏

小懷之悉協肅凜冠裳爰

王謨帝典之攸昭申嚴法守緬昔者杏松轉戰摧枯之烈
猶新閱藐躬癸甲升裡追達之誠倍篤

山瞻隆業鬱蔥連十里城闔路指興京愾慕又兩週歲紀
儀載循乎仲序感益切於

肇基於戲

弓劒如臨定

鑒卧碑之勒訓

几筵在望還憑雕俎以攄忱伏冀

恩慈

俯垂歆格

祭

昭陵文 乾隆四十八年

山瞻

隆業鬱蔥培王氣之原世戴

詒謀脤鬯致孝思之感欽惟

太宗文皇帝創垂裕後繼述乘時北收蒙古之全疆東服

朝鮮之故壤掃杏松之堅壘

睿略如神擴凌錦之提封赫聲倍震撫

軒弓於實勝宣威遵騎射之精啓

堯服於長寧由舊謹衣冠之製屬重鐫夫

冊寶陪京式永尊藏肅四展夫

松楸裡貞藉申優恤於戲勒

訓詞于後嗣卧碑將萬葉為昭追

戰蹟于當年立仗則二龍在御庶幾駿格
饗是忱誠

祭文

祭長白山神文

乾隆八年

維

神天作崇高地鍾靈秀巍嵒有象自著神奇寥廓無垠
獨涵清淑緬發祥之所自知延祚以無疆朕纘受丕
基撫臨寰宇每切懸冰之懼時深水木之思茲當御
極八年聿展謁

陵鉅典維庶徵之協應爰羣祀之交修特遣崇官用昭殷

薦

神其默鑒來格來歆

祭遼太祖文

乾隆八年

朕君臨九有睠念前猷凡歷代之陵園必勤護視況
遼陽之墟里尤切懷思故每發德音常行昭告即暫
焉駐蹕亦肅明禋今茲御極之八年聿舉謁

陵之鉅典維

遼太祖奮迹燕雲垂聲朔漠想英明之有素知靈爽之

常存典冊時披前徽具在山陵入望遺跡依然特遣
端官用申肅薦修一時之俎豆賁異世之松楸
神其鑒茲格思無斁

祭克勤郡王文

乾隆八年

粵維體國必資屏翰酬庸首自親賢惟王為王室之
英材作天家之良佐遵循

廟算奉揚國威屢彰克敵之功聿著經邦之略朕面懷
祖德追念舊勲稽往牒而可徵汗青紀績布長筵以展祀

圭瓚流馨靈克有知尚其鑒格

祭功臣揚古利文

乾隆八年

維國家之肇造資豪傑之景從每覽簡編嘗深慨想
惟爾功臣揚古利經邦元老翼運英姿出總兵戎入
叅帷幄能忘身而為國寔資孝以作忠託肺腑之至
親建旗常之偉績朕纘承大業親謁

祖陵既申覲光揚烈之懷並舉崇德報功之典用頒祭醑
式布几筵儼壯氣以如生緬成勞之未泯凡茲優渥

尚克歆承

祭功臣額亦都文

乾隆八年

我

太祖功被蒼垠德尊黃幄溯自發祥之始實資開國之勲
維爾功臣額亦都戰輒冠軍心惟報國摧枯拉朽則
目無堅城啓宇開疆而胸餘勝算奮志風雲之表馳
聲日月之旁鐘鼎泐銘偉績已標於曩日几筵布告
鴻恩再沛於斯時垂史冊以長存想徽猷而未遠靈

其歆響悉此褒榮

祭功臣費英東文

乾隆八年

朕眷懷勲舊篤念賢勞維爾功臣費英東盡力

先朝宣威外閭性成鯁亮術裕韜鈴經文緯武之兼資附
鳳攀鱗而奮迹夙號萬人之敵聿彰九伐之勲茲因
六御親巡特此一樽致奠追維

祖烈爰思佐命之功遠想英風式勵效忠之志爾靈不昧
尚克來歆

祭長白山神文

乾隆十九年

維

神極天比峻鎮地無疆象著巍峩表神奇於瑞應勢雄
寥廊東清淑於扶輿鍾王氣之鬱蔥休徵畢集奠坤
維而鞏固厚德彌貞緬帝業之肇基荷山靈之篤慶
朕纘承丕緒臨撫寰區念凝命之無窮溯發祥之有
自肇稱殷禮時已越乎十年載考彝章禮更行於茲
歲恭展謁

陵之鉅典兼修望秩之隆儀躬薦明禋用申祇敬惟冀根
蟠靈壤冠五岳而畢集庥嘉彩煥鴻圖亘萬年而永
安磐石

神其默鑒來格來歆

祭北鎮醫巫閭山文

乾隆十九年

維

神封自虞廷屹為北鎮建遼陽之屏障厚德常貞鍾渤
海之靈竒祥符丕著緬肇基之王迹懷天作之神功

朕續述鴻圖撫臨區宇望高山而仰止景慕維殷修
吉禮以告虔彝章再舉恭展謁

陵之鉅典重稽秩祀之隆儀惟靈貺之祇承得庶徵之協
應敬承芬苾虔薦牲醪

神其式臨默為昭格

祭遼太祖文

乾隆十九年

朕君臨寰宇瞻念前王紀功德於曩編每深景慕考
謨猷於故里載契光型既遺烈之為昭宜明禋之特

舉茲以重循彛典爰啟吉行祇謁舊京興懷徃代惟
遼太祖燕雲創業朔漠騰聲闢土開疆一代之英明首
出宣威佈惠千秋之靈爽常存特布牲醑用申肅薦
虔陳俎豆期明德之維馨光賁琬琰儼鴻規之在望
神其鑒格歆此必芬

祭賢王祠文

乾隆十九年

朕惟風雲翊運明德首建懿親鐘鼎銘勲宗功聿推
元祀綸綍致專祠之禮念篤前勞烝嘗隆備物之儀

事踰恒典惟王等忠貞素植果毅性成屏翰初分遂
作長城之寄桐圭既剖克宣專閫之威或握奇運籌
勝決千里或披堅執銳勇冠三軍靖苞蘄於中原掃
氛霾於四野用能匡扶締構翼贊經綸嘉績懋乎

先朝聲稱著乎來許朕載巡舊里言考

遺謨橐矢戢干鞏億載太平之業櫛風沐雨緬當年百戰
之勤矧在宗傑之壯猷寔切予衷之景慕適觀曼碩
用布苾芬於戲帶礪河山展親與酌庸並重旂常日

月後先偕疏附同垂松桷有挺式煥維新之象桂樽
既飭彌深由舊之懷靈其有知尚克歆格

祭遼太祖文

乾隆四十三年

朕撫馭寰區興懷往迹備參稽於史牒偉略為昭勤
保護於陵原明禋罔斁矧遼陽之故壤尤豐邑之初
基惟

帝創業東方宣威中土聲騰木葉十六州胥隸版圖瑞
應金鈴二百祀茂延統緒緬英明於在昔知靈爽之

常存茲以恭謁

橋山心儀垣寢遺徽式仰松楸增異代之光潔薦斯陳芬
必肅專官之典

神其鑒只冀克歆予

祭北鎮醫巫閭山文

乾隆四十三年

上

陵典鉅兩修告祭於司存秩祀躬親始愜展忱於仰止式
隆規而致敬駐清蹕以升馨惟

金匱要略卷十一
神雄峙冀方靈鍾尾野六重掩抱千尋埒恒嶽之尊三
水飛流百里俯滄溟之邇接鬱蔥於長白王氣扶輿
奠純固於東丹雲峯拱極昔歲塗循紫塞嵯峨遠跂
層椒今茲路出嚴關肅穆先瞻邃宇冀欽承夫靈貺
聿增方望之儀緬靜鎮於神皋特舉廢懸之典
神其昭格鑒是苾芬

祭長白山文

乾隆四十三年

維

神安土常敦極天北峻閨門俯注鴨江實濬靈源布庫
東蟠鵲果宏昭瑞應仰坤維之式莫悠久無疆緬
王迹之肇基誕興有自朕寅承統緒永憶艱難撫茲磐石
之模敢忘

作山之烈儀隆望祀曾展敬於重臨慕切深裡已淹時於
二紀爰卜清秋之吉載抒盥薦之忱祇告

靈岑聿循令典惟冀貞符丕煥並五嶽以延祥景祚遐昌
亘億齡而翊運

神其默鑒尚克來歆

祭松花江神廟文

乾隆四十三年

恬波永賴障東分鴨綠之支王氣攸鍾拱北衛龍興
之脈作廟聿彰夫輪奐展誠宜薦以馨香惟

神東德靈長導源峻極承闔門而奔注二派交馳遠邊
部以朝宗百泉遠匯緬

創垂之

駿烈安瀾慶億萬斯年覲縈抱於巖城淨練亘三千餘里

既久稽乎秩祀爰特飭夫鳩工棟宇鼎新式妥憑依
之宅几筵升脩遙通貯蠱之忱

神其默協滋生宏昭順應崇儀肇舉益符川至以凝符
景運綿延常並山高而致享庶茲歆格勿替虔禋

祭渾河神廟文

乾隆四十三年

濬源納魯靈長溯白嶽之神衍派英莪迤演永

丹邱之脈衛陪都而帶繞式懋垂庥作新廟以翬飛宜隆

肇祀惟

神績施東土祥著西流翬護萬年合大梁而滙注縈迴
千里達句驪以朝宗仰

偉伐於初基

勤思涉渭覽恬波於舊國澤緬

詒豐朕展謁

橋陵虔崇邃宇值落成而告備爰秩祀以升馨典洽懷柔
冀休嘉之默荷誠昭妥侑期肸鬯之潛孚尚克歆承
鑒茲芬苾

祭巨流河神廟文

乾隆四十三年

雙源遠引恬波徵効順之符四望增修肇祀肅薦馨
之典啟潤既彰夫勝蹟展誠宜飭夫專祠惟

神稟德靈長施功溥洽衍脈自鄧村以北派合西來通
支當鐵嶺之南績宏東注莫安流於沃壤彌覘襟帶
之雄資利涉於名津共慶舟梁之便念庥徵之顯著
爰美報之虔申用鳩將作之司祗崇棟宇特舉維親
之祀恪奉几筵

神其肸蠁時通滋生普被攬璇題之煥采式鑒懷柔眷
雕俎之升香丕昭孚佑庶其歆格勿替精禋

祭遼太祖文

乾隆四十八年

惟

帝制勝中原肇基東土奮凋戈而創業八部威揚誌金
箭以恢疆五京勢輦仰英靈其如在知神武所由興
朕四謁

橋山載懷陵邑緬規模於締造史牒詳臚景功德之昭垂

必芬永祀爰循舊典遣告明禋鑒此潔蠲

神其歆格

祭北鎮醫巫閭山文

乾隆四十八年

惟

神位鎮冀方功齊恒嶽緬肇封之典望著虞廷參列宿
之精祥鍾尾野永作巖闕之障勢拱幽燕長資靜鎮
之庥基凝東北溯昔三申盥薦曾抒仰止於明禋越
茲四度經臨復展升馨于邃宇

神其右饗庶克來馨

祭長白山文

乾隆四十八年

惟

神德秉安敦功參峻極坤維式奠靈長疏鴨綠之原

王迹肇基純固護龍興之脉溯

作山之餘烈效順無疆隆望祀以垂庥默欽有相憶昨鑾經

三駕典飭司存迄今瞬閱五秋忱殷仰止明禋申薦

尚克歆承

祭渾河神廟文

乾隆四十八年

惟

神澤著西流功施東土合大梁以滙注靈長千里而遙
達句驪而朝宗襟帶兩京之外覽恬波于卜澗溯

偉伐于胥原昨以展謁

橋山因之虔崇邃宇明禋告備曾紀蹟于穹碑清蹕載臨
爰升馨於雕俎用申昭告尚克鑒歆

祭巨流河神廟文

乾隆四十八年

惟

神德秉靈長澤施溥洽到海而會同千里有委有原入
邊而濬發雙流屢分屢合曩以蹕途莅止飭啟專祠
茲因鑾輅經臨載陳芳薦惟冀婉流泉於豳土清晏
常昭培遠脉於

珠丘基圖式鞏庶其歆格勿替精裡

祭太子河神文

乾隆四十八年

惟

神派分葦峪潤接驪河瞻薩穆以尋源自幹羅而通道
茲以陪京展謁蹕路經臨式懷孚佑之靈宜肅明禋
之薦湖昔楮車

薄伐波臣助囊土之功洎乎綿甲前驅鬪士賈奪橋之勇
震先聲於虎驛聞湧銀濤渡勁旅於龍驤濠翻雪浪
曩日金城鞏建尚虛秩祀之文即今雕俎虔申特重
專員之典庶歆芬苾俯答休嘉

碑文

渾河神廟碑文

渾河神廟者乾隆四十三年勅有司之所崇建也英
我北繞納魯西流縈迴千里之遙演迤

三陵之側長源作帶梁河異派以同瀾靈脈扶輿遼澤匯
趨而赴壑抱

龍興之初地衆水雲從翊鳳舞之陪都恬波鏡淨溯昔造
邦

捷伐瀕河則諸部先除洎夫

作邑經營乘溜則羣材勝用入夜而聯魚陳爰申巴勒達
之誅征明而渡龍驤遂奏瀋陽城之捷朕展巡邠土
敬謁

橋山緬

詒燕於

宗功默欽有相飭升馨于蹕路乃詔司空鳩工象闕之東
翬翬鵬霄之上北泉婉美胥原之流澤孔長兩載落

成卜澗之垂庥有裕鑄之翠琰煥以丹綸由地中行
益輦諸萬萬禩如川方至用弼我不丕基

巨流河神廟碑文

雙源濬發東西溯達派之連山汭會同內外綜全遼
之勝廣滋涵于奧壤禮洽無文宏利涉於鳴鸞祐昭
有秩惟巨流之演漾襟京邑之浩穰象儷天津靈䟽
地脈左通白嶽克爾素北繞以同趨右接潢河科爾
沁南來而並軌屢分屢合入邊之支絡可尋有委有

源到海而朝宗是戢安市襄平之故績注釋雖疎句驪
枸柳之殊稱波瀾莫二我國家龍飛出震燕翼詒豐
太宗文皇帝創築開城控洪波而屹鎮


聖祖仁皇帝肇興海運資通漕以將輸朕三謁

珠丘再過鏡渚緬百年之澄晏

祖澤長欽輦億禩之基圖

鴻功斯溥粵以乾隆戊戌秋勅建新祠逮庚子冬司工
告竣俯臨浩瀚高挹峻嶒擇爽塏以裁基飾棟挺而

安祀當日師行枕席靡唐宗薪土之勞今茲渡穩舟
梁兼鎬邑田疇之利帝鄉賽報歲時之肸鬯潛孚王
氣扶輿輔甸之靈長永護



欽定盛京通志卷十一

欽定四庫全書

史部

欽定盛京通志卷十三

少詹事_臣曹城覆勘

總校官編修_臣朱 鈐

欽定四庫全書

欽定盛京通志卷十二

天章

三

皇上聖製

乾隆八年癸亥

御製古今各體詩

乾隆十七年壬申

御製長白山瑞樹歌

欽定四庫全書

欽定盛京通志卷十二

天章 三

皇上聖製

詩 乾隆八年癸亥

七月初八日因往盛京叩謁

祖陵恭奉

皇太后始發圓明園作

虞采綏旌次第排金風奏爽滿天佳王途于邁高秋
淨帳殿承

歡愛日諧望裏關東多王氣行經塞北暢清懷縣縣實穡
秋成近觸撥吾悰詎有涯

躬詣盛京雖命省騶從而經過州縣豈盡免力役
之勞因詔免今年田租以示如傷之意

省耕省歛古所聞哲后禮不廢時巡矧茲上

陵實舊制有其舉之敢弗因盛京佳氣東來紫駢駢六御

今伊始山園冀野遍桑麻峰標木葉經迤邐今年北
鄙若雨暘沿途攬轡禾黍香雖云比户足衣食怨咨
民瘼刻豈忘千乘萬騎邁寓縣錢鏐將瘠民情忤豈
無力役勞閭閻中心徘徊不能宴朝廷德詔應時下
蠲租逮彼十村社匪欲小補悅斯民

皇祖當年煦嫗者

八月朔日作

形勝行行攬年芳歷歷收關山連北塞雲物近中秋

輻輳來諸部逶迤駕六虬近光陪後乘輸惴導前旂
覩此瞻依切寧予德澤流鴻猷思

祖業燕翼逮孫謀更喜隨

慈輦無妨視膳羞筵開親捧爵津渡手扶輶丙夜封章覽
良辰藻思抽詞臣隨豹尾壯士擁旄頭人帶秋陽色
衣霑湛露浮鄩京佳氣繞指日謁

珠丘

至克爾素河奉天官兵來接

馬蹄漸盡諸藩地人語饒聞故土音誰道西賓異東
主可知往古邈來今滄溟浩渺源流遠長白龍嵯霧
靄深此日千城爭扈蹕百年休養塵予心

駐蹕吉林境望叩長白山

吉林真吉林長白鬱嶽岑作鎮曾聞古鍾祥亦匪今
邠歧經處遠雲霧望中深天作心常憶明禋志倍欽
九月朔日作

千峰萬葉碧雲浮早是風光逼九秋白水黑山多王

氣三韓百濟舊神州橫汾遊豫非同漢宴鎬安舒却
比周故國耆民羣望幸肯教恩澤尚遲留

秋蒐雜紀詩五首

歲長九月有青蕪共道常年似此無

盛京早寒今歲過閏猶暖誠異

事也霧斂馬頭山逼面霜凝谷口樹粘鬚射熊何慮先

升木待兔馬勞更守株赳赳羽林羣命中詆談却笑

紀昌弧

長白遙看數點青鷄赳五色韻旗鈴騰驤八駿來天

庖環拱葦峰據地靈黃艷鷺兒新剪褶綠輝孔雀側
拖翎朝家武備千秋獨太僕空傳效展軫

峯標木葉鬱崔嵬水漲松花淨洄萬騎雲屯隨豹
尾三秋風景異龍堆周詩底用誇麋友晉賦無勞藉
雉媒更剪銀絜吟七字屬車賡和有鄒枚

連雲風影自婆娑雨後新看蟲黛螺黃幄背風依樹
障朱旄面日出巖阿合圍麋鹿愁飛羽出隊狐狸駭

獵獨薄暮旌門鐃吹奏海青雲裏捉天鷂

曲名旌門
鼓吹常奏

此

虎韞驛弓越勁秋平岡草淺騁驊騮雁行狗監牽絲
鞚馬上鷹師臂繡韝風漾鈴聲金替戾雪開峰面玉
彫鏤批麻丙夜斟民事詎為從禽暫解憂

今年奉天各縣有收喜而有作

遍野黃雲尚作堆翠華行處鮮汙萊東瀍西澗歌農
慶猶想當年即有邵

重陽日侍

皇太后宴

野卉臨風弄綺鮮何須金盞與金錢
福凝東海增芝算酒進南山作菊筵
圓蓋無心常照姬廣原縱目正
芊綿長承

慈訓銘心所用九時乘倍體乾

登高何用上層樓峰頂低臨萬樹頭
令節恰欣歸沛里

當年曾此俯齊州青螺曉靄迎

仙蹕赤羽金鷄獵綠苻最愜稱觴無限意憑將山海為添籌

射虎行

鬱葱萬木森虧蔽豁開大澤天無際朝嵐忽捲崿峯煙樹色山光闢蒼翠初來沛里拜

橋山便途較獵遵

先制雁行兩翼圍密合獵旅八旗各標幟泰平久經息兵草進退號令習軍事日未移時肩已倦他他饒獲麋

麇類乍見白額出林叢鼻頭出火人思刺期門飲飛
驟驛駟驅之草淺平川地四圍重排雪鋒鎗負嵎空
憶難迴避唐弓夏箭出橐韃命中已決耿耿皆詎與
漢將思爭勇歷艱

祖訓期無愧耳食書生未目覩橫議涉險鮮防備我笑羽
林備過多壹發於菟却先斃

對月思唐太宗遼城望月事即用其韻

隴得復望蜀徵去尚存碣誰能效舜階繽紛干羽綴

今月猶古月千秋何盈缺壯志想當年萋萋煙草結
情因寥宇寄光向疎林滅

秋獮

秋獮因農隙講事古今同由來武備重況在郊與豐
我來拜

鼎湖便途閱軍容桓桓伏飛士一一皆驍雄負嵎手赤虎
失林足蒼熊雁落夏服箭月滿烏號弓奚誇雲夢澤
不數長楊宮霜點廣原白日射灌木紅韉別三等殺

頒賜萬夫充維此鷹揚侶當年佐戰攻止戈今宴安
敢忘走馬風

望葉赫舊墟

敬惟我

太祖高皇帝以十三戎甲奮迹於此復讐服衆遂成王業
謹賦其事以示來許

寒盟由彼義何甘甲士當時祇十三自是

天心歆

日角幾曾虎旅藉犀角折衝底用稱韓信決策無須聽耿
弇

創業艱辛千古獨垂衣敢恃而臨南

花園

英莪門外獵場中有芍藥二叢雖過花時而柯葉猶
森鬱可觀蓋百年外物也土人因名其地曰花園經
過吟覽因以命題

繇柯泣露華蟠根託山隈我來非花時尚想臨風開

迥異京洛種豈作溱洧才森然二古叢不知何年栽
疑是彼女夷愛此高崔嵬玉手擷雲錦移之自蓬萊
野人亦珍重時時膏壤培護以朱木欄奚懼狼與豺
乃知天地化頗賴人成裁荏苒憶韶華俯仰弄條枚
只宜鋪玉牋安用命金罍

入英莪門

霓旌搖曳曉曦明故國人人喜氣迎三月關山征轡
遠而今屈指到興京

區分只用柳條邊堪作金湯鞏萬年不似秦皇關竟
海空留遺跡障幽燕

山程野驛日侵尋澗水瀍桑入眺臨南去盛京知不
遠鳳凰樓閣五雲深

興京

姬室于幽日炎劉起沛時

一人方締造四海遂為基皇澗猶然在阜門尚可思屏藩
堪示固宮室不言畀往者爭雄際同歸

出衆姿秋風經故國膏雨遍新陂父老迎鸞馭材官衛羽
旗初來尤切切欲去更遲遲言念

皇圖纘端維

厚德垂凜乎同御朽告我後人知

謁顯佑宮

翠華臨故里琳宇謁仙宮疊嶂排雲上遙岑列柱崇
升馨昭

聖敬垂貺仰

圓穹廓我邠岐業貽茲鎬洛功有星皆拱北無水不朝東

繩

武顯然念祈

天暢若衷式瞻當太乙俯眺攬龐鴻渺渺承

堂構乾乾倍省躬

薩爾訥

太祖高皇帝以五百人破明數十萬衆寶王業之基也

鐵背山頭殲杜松

手麾黃鉞振軍鋒於今四海無征戰留得艱難締造蹤

恭謁

永陵

追王傳前籍

遺庥逮後昆高山瞻彼作德水溯茲源疆理興家室星辰

衛

廟垣幾多瓜瓞感揮淚灑寒原

恭謁

福陵

草昧起英雄

維皇乃眷東風雲龍虎會日月海天中

帝業千年翠

山陵萬古崇永維

無競烈繼序矢深求

恭謁

昭陵

早是天歌漢何曾鹿逐秦百年經五世一壘豈三旬

太室烝嘗永

元宮松柏新紹庭懷積悃展拜此時申

謁

陵禮畢車駕入盛京得七言排律十四韻

羣山萬壑總朝東王氣為龍鎮鬱葱白水壽邱名不減作豐遷鎬事應同

當時提劍安黔首此日垂衣逮藐躬延佇關山千里外每

懷瞻拜八年中商飈送爽清馳道疊嶂排青列遠空
上將隨車金鼠駁名王執轡玉璫瓏行宮視膳邀

慈豫故國旋輿仰

祖功只為上

陵思馬鬣豈緣校獵賦車攻六飛因幸興王里百辟咸朝
慶善宮訝許稱觴來故老不教警蹕駭新豐葛燈綃
帳猶餘儉執承酌匏鉶許獻衷華曜景中鸞扇動若非
烟裏鴨香融孕虞育夏

天心眷篤祐依京

帝謂通萬禳皇清繇寶祚扶桑初日海門紅

謁景佑宮

松陰屏息叩金除廟貌虔瞻色相如天與人歸神自佑
春風秋月殿常虛龍蛇濯瀟蟠橫壁雲霧烟煴寫
倒蘖我久無心陳罪福祈年還慶旒維旒

賜奉天將軍額洛圖

留都開幕府撫鎮更旬宣古重維桑地今成秉禮壘

扈陪依豹尾晉謁領鵷聯大樹甘棠並芳聲莫讓前
御崇政殿

碧海曠曠曉日昇金猊風靜瑞烟騰元孫黼辰茲重
御

列祖威靈實式憑

六世繼繩惟敬畏百年舍煦被黎蒸守成開創何難易只
有憂勤與日增

閱式

久放華山馬重觀遼海兵由來稱子弟坐可靖鯢鯨
萬隊風從虎三軍旭耀旌威聲振地壑壯氣指天棖
此日雖無戰當年亦有征金甌方主鬯惕若凜持盈
乾隆八年秋朕奉

皇太后恭謁

祖陵還至盛京受朝錫宴夫漢高過沛而歌大風情至斯
動直已陳德況予小子覲揚

光烈能無言之不足而長言之哉爰作世德舞辭十章章

八句

粵昔造清匪人伊

天天女降思長白闥門

叶是生我

祖我弗敢名

叶

廼繼廼承逮我元孫

叶一章

元孫累葉維

祖之思我西云來我心東依歷茲故土仰溯始謀

叶皇澗

過澗締此丕基

二章

於赫

太祖肇命興京哈達輝發數渝厥盟如龍田見有虎風生

戎甲十三王業已興

三章

爰度爰遷拓此瀋陽方城周池

太室明堂不寧不靈匪居匪康事異放桀何心底商

四章

丕承

太宗允揚前烈倬彼松山明戈耀雪以寡敵衆杵漂流血

惜無故老為余詳說

五章

余來故邦瞻仰

橋山慰我追思夢寐之間崇政清寧載啟南軒華而不侈

鞏哉孔安

六章

維我

祖宗欽

天敬

神執豕酌匏咸秩無文帷幔再張樽俎重陳弗渝弗替遵

我先民

七章

先民宅茲載色載笑今我來思

聖日俯照爵我周親
蓋臣並召亦有嘉賓
歡言同樂

叶八章

懿茲東土允惟天府
土厚水深周原膺膺
南陽父老

於是道古有登其歌
有升其舞

九章

我歌既奏我舞亦陳
故家遺俗曷敢弗因
渾灝淳休

被於無垠勿替引之
告我後人

十章

爵克勤郡王園寢

開國承家日于藩夾
輔資一時扶王業四
海定丕基
懿德書金匱佳城奠
玉卮銀潢天共遠百
世篤宗支

酹功臣額亦都墓

坐享八紘泰寧忘百戰功佐周曾有望興漢不徒馮
金簡香生綠椒漿玉瀉紅薑臣陪祀事式紹乃家風
寶勝寺

得禾周名書獲鼎漢紀年是寺稱寶勝其事猶可傳
明兵十三萬水陸數道連志曾期破釜言已侈投鞭
弱婦實懷懼壯士難奪堅

文祖處以暇旋命彭與韓坦然逸待勞乃在松山間破竹

迎刃解誰能抗師顏諸路一時敗困獸遇秋旼從此
威天下燕京數往還初寺肇錫名用以示弗諼我來
步上方晶陽空宇懸百年父老希所聞乃傳言

文廟

我

太宗文皇帝初定大業卽尊儒重道釋奠

孔子以四子配並立文館譯書史於翔鳳閣實肇國家
萬年有道之長也

卷十二
辟雍時尚屬韃橐過魯空傳祀太牢更步故宮翔鳳
閣彬彬羣彥想分曹

開國佐運勛臣武勛王揚古利直義公費英東弘
毅公額亦都墓在

二陵之間松楸相望猶見當日

君臣相得之概感而賦此

孺池麥飯共艱辛想像

當年魚水親何必大風思猛士林林扈蹕有宗臣

望千山

我聞古來稱奧區必有名山為作鎮况茲遼陽實天府義經已兆帝出震長白巫閭衆所瞻千山亦復高千仞設在晉郊魯甸間太華泰岱應齊峻我來譙邑攬形勝南望巒岿映清潤朝嵐夕靄儼相接巒光峰態如堪引龍泉祖槧久聞名靈蹟相傳半疑信何時長嘯眺滄海

據盛京通志千山香巖寺中有仙人臺俯瞰滄海如布几席云千仞岡

頭衣始振

遼陽懷古

唐宗戰壘久成空管邴曾聞度海東只有千年華表
鶴時看來往白雲中

示盛京留守諸臣

宅洛名惟舊邇邠地豈新維屏思保障體國在安民
業擬苞桑固風期豐芑淳入疆懷有慶迷職慰時巡
朝鮮陪臣來接

遼左陪京鞏澗瀍維藩作翰建朝鮮來賓詎是予誠

格奉翔遐思

祖化宣訝許迎鑒
瞻虎衛還教千宴
接鵷聯德綏武靖
文皇業萬億斯年
護海堧

長寧寺

蘭若靜朝暉苔侵碑篆古
泠泠水到堦落落松當戶
龍鱗儼欲張虬枝自撐拄
蕉邑多古蹟愛此琳宮宇
依稀梵唄聲仿佛天花雨
意香叅即離靜室坐久許
適然獲長寧頓忘安心所

恭瞻

太祖高皇帝所貽甲冑

武庫三曾器龍樓十襲緹十年過合甲七屬鄙國犀

仰

烈誠天授思艱敢志攜雄關為近戶安恃一丸泥

恭瞻

太宗文皇帝所御弧矢

青莖如古直解角到今堅不禁秋霜感遐思寶月懸

比和經

手御似訓作心傳
捷伐前猷在居歆
總賴

天

昭陵石馬歌

在昔穆王八駿追雲霞
耄荒忘返天之涯
太乙沉漢
天馬來樂府曾聞產渥洼
勤勞血汗事何有
雌黃徒
惹詩人口不如漢文
却受千里駒吉行
五十符陽九
周家岐渭始勤農
我朝三韓奮跡實
寧弓由來受命

雖有異艱難創業多齊蹤

太宗馬上得天下房駟星輝

天錫嘏

叶

大白小白協安吉

故老云

昭陵前石馬一

文

皇帝所御也

文皇帝體豐而鎧重乘

小白日行百里乘大白祇能行五十里

至今立仗

昭陵貽石馬遐思我

祖如唐宗陵園廟號先後同汗趙嘗傳杜甫句闡揚

光烈千秋隆六御今年來故里貞觀遺跡餘荒壘

唐壘在咸寧縣

城東南相傳唐太宗

征高麗駐兵之所

文皇曾亦討寒盟

謹按

昭陵神功聖德碑云天聰二年以朝鮮毀盟討之拔其都載飛舸於

車凌江華島李倬自縛請為臣釋之還并歸其俘獲

乘此雙龍渡涇水

文綏武服為藩屏萬年正朔奉永清不似李唐東征悔失

計仆碑重建思魏徵

大政殿

臯門聳百尋朶殿鬱森沉國政聞周度

大君想知臨十亭猶列翼一德盡同心文治誠輝古武功

尚烈今用茲貽億葉詎止惜分陰作室西南戶紹庭

志倍欽

故宮詠燭

火傳薪豈盡漏響夜方深照得

當年夕艱難締造心

暮

遼天散暮霞宮樹已棲鴉幾靜思民瘼心怡長道芽
圖書探秘蘊鐘鼎玩清嘉古月照今客新詩詠舊家
人言歸沛里市語似京華不異前秋夕消閒一瀹茶

登鳳凰樓

百尺高臨萬景紛
貯歌藏舞陋齊雲
漫言此日供詩料
却憶

當年望國氛

締造常思

祖業艱千秋百二
鞏河山於今試上
高樓望遼水依然
襟帶間

示盛京奉

祀諸宗室

明種敵一脉奏假訓昭垂水木思源本
烝嘗奉豆彛離家

汝莫念

盛京奉隆元年始自京命來者故云

祀諸宗室係乾
興祭我猶虧試

想百年始澗瀍還在茲

再題寶勝寺

故老今何在祇園此尚存
藉尋禽敵烈總為戴

天恩臨汝心母貳蠢茲氣已吞

戎衣寰海定武器再三捫

是寺恭藏御甲冑數人舉之而弗能勝

太祖高皇帝所

太宗文皇帝所貽弓壯士弗能開長四尺
有餘 皇祖聖祖仁皇帝亦曾留寶劍云 繼序思

皇祖貽床逮耳孫綿綿瓜有瓞億載永蟠根

敬觀

太宗所御鹿角椅

天然鹿角椅合拱不傾歌製朴

身常泰形端道可思奢慙珊枕伴儉似葛燈遺却憶艱難
際曾無偃息時

故宮侍

皇太后宴

關山瑞擁

大安輿禕翟祥凝慶善居海旭騰輝紅綈褥天漿介祉玉
笑蕤雲依雉尾開雙扇星拱辰垣俯九墟愛日豈忘
沐雨際弼基還厪肆筵餘

賜父老醕

父老居豐沛久蒙煦嫗恩百年今宴安同為太平人
雖無見知者尚有聞傳言錫宴思

皇祖在此大清門今我來故家匪為騁遊巡三爵循古典
炮兔亦烹豚白金以紱頒百戲良具陳酌酒賜爾飲
爾醉我亦欣還念爾先民曾同百戰勛

故宮覽章奏

黃扉章奏至秉燭覽移時為勅幾康故難辭往復披
有秋方慰意望雪更尋思却想艱辛日紛紛羽檄馳
再登鳳凰樓

馬上逢重九登高已有詩今朝陟高閣仍是季秋時

把菊作佳節鋪牋授好辭
沈寥天宇寬襟帶河山披
依稀雞犬聲掩映桑麻枝
廣陌嘶驕騎朱樓颭酒旗
蕉邑既云富何加日教之
寄語彼京兆莫視傳舍為

雨

塞山幾度雪霏霏沛里重吟
細雨飛麥隴早欣占歲

好人言羣道帶陽歸

盛京往年早寒九月已有積雪
今年則甚暖立冬以後尚雨人

咸以為
奇云

閒窗近挹寒芳潤高閣遙聞
畫漏稀更喜留

都方駐蹕沾泥無慮四驄駢

清寧宮

館幽蹟輝古宅洛業思

前芭茂如松竹清寧象地天雙鸞排鳳扇上簾耀龍筵乃

寢占佳夢

明禋重吉蠲

國朝禮重祭神必於正寢茲旋故宮執承薦醑一遵舊制弗敢廢也

休和晴

旭麗淡蕩惠風旋暢若承

堂構丕基永萬年

聞鐘聲

屈曲宮牆上玉蟾
樓鐘點聽傳嚴吟
殘此夕穿松漏訝
似當時響砌籤却
看星躔依斗極尚
聞人語闌閭
閭去年詩思重尋
得良夜方長篆裊
簾

十月朔日宴宗室羣臣於故宮

曠曠海旭麗銀鋪
宴擬橫汾湛露濡
舞馬不須誇紫燕
煎沉常自裊金鳧
有椒共慶如茲盛
無酒何妨謂我沽
更喜皇州頌歲朔
小陽春律正昭蘇

恭奉

皇太后迴鑾車駕發盛京得詩四首

金烏占在尾玉律變初寒別緒留興慶歸輿奉

大安卿雲常五色王氣鎮三寒更值登場候崇墉夾道看
西賓今作主東主却成賓去去燕京路依依沛里人
地靈常毓瑞風伯已清塵會復如唐后武功詠再巡
荏苒翠華移祥風左右吹千官陪警蹕萬姓仰威儀
御道如弦直名山入畫奇

二陵佳氣繞步馬動留思

歷歷度康莊熙熙麗小陽因憐時序改始覺客途長
惜別人心切懷歸馬足忙皇都言至日亞歲納千祥

雪中過永安橋

明種應時修征轡凌晨發豹尾去沛里龍鑣指京闕
滕六欲效靈元冥正司節初飄瀝瀝霰旋零綏綏雪
途景已堪適憑輿趣尤別瓊瑤入眺吟川原供攬結
不殊書室中推窗玩清絕行行過永安鏡影含光潔
平林久禿兀乍喜千葩纈曠觀既詖蕩逸興復鬱勃

灑然銀色界彷彿蘆溝月

前題再詠

呬喔聲寒茅店雞石橋東畔瀟城西素凝遥嶂皆成
畫翠剝孤松最合題三白叶心方喜慰

二陵迴首重低迷導旂儻教行行止未惜瑤田碎馬蹄

積素

迷離晃旭欲生煙得得驕驄傲錦韉不道雪餘度遼
野却如日暖厯藍田

萬峯屏展皆藏碧
千林花纈全皴白
恍似羅天會玉
真瓊瑤踏遍虬顏跡

逶迤周道傍
村莊玉砌銀鋪
十里強羸得輕輿吟素
景漫愁風冷切征裳

養息牧閑馬

坳場亘瀟野
芻牧接遼瀆
養息良駒盛
調閑衆圉分
三千突駉牝
五色耀卿雲
驟似波鋪地
看如錦疊文
無邪思古訓
斯作喜今羣
敢忘驅馳際
用茲佐六軍

渡句驪河

句驪舊遼水千載帶遼陽古客曾何在
今人引興長
蒹葭餘敗質汀嶼何蒼茫飲練雙長虹
橫卧水中央
幾個無心鷗衝波任翱翔戰勛尋堞壘
世態驚滄桑
惟此東流水今古無閒忙積素漫兩岬
流澌聲琅琅
誰能呼舴艋捕彼鯉與魴近樹銀為飾
遠山玉作裝
憑輿愁峭寒披裘且徬徨常時禁體詩
苦吟讀書堂
奚如眺覽餘萬景箇中藏

度遼水

鏡影照龍旂

橋山展謁旋寧同貞觀后擬揭為開邊

回程漫賦二首

一千五百里十月初冬時呵凍人驚冷思歸馬覺遲

行程遙莫慮

行程遙乃
日近

宿頓近頻移

頓移則
到速

詎是從羣

顧東山舊有詩

初來嫌路遠謂是馬蹄忙歸去怨程近誰憐駝鼻瘍

駝牽鼻
以行
人情堪體驗物理動參商始識無為貴行將

論達莊

廣寧道中

困鹿高堆富有秋村農稍為展眉頭小陽春旭烘華
罕長女風光獵綵旂素積鱗塍真勝玉青舍麥壠正
如油何當幽里連京洛三白酬予望歲眸

過廣寧望醫巫閭山恭依

皇祖聖祖仁皇帝元韻

海旭凝螺黛，風削玉芙蓉。靈竒經覽乍。

聖蹟躡尋重，過客羣停轡。仙人迥矗峰。

是山有仙人巖，桃花洞，聖水，盆北鎮。

廟諸奇勝

徒思山側徑，未撫寺前松。萬古為幽鎮，千秋溯

舜封崇。功標地紀，秩祀偶天宗。截薛疑騫鳳，巉峴突
連龍。盈眸欣積素，步馬遲安胸。

閭陽驛望十三山

當前誰展十三屏，古縣荒涼考奉陵。

出金史

百戰堠臺

烽火熄山青，雲白自層層。

哈密進瓜至敬遣誠親王和親王賁供

二陵感而有賦

碧玉嘉實當冬熟珀色瓊瓢甘且馥花門笏面不敢
私厥色纍纍盛筠簾山中匹馬豈愁疲年年方物來
京師上供

寢廟頌百殿匪同飛騎求離支翠華今歲詣故里
橋山葱鬱近尺咫馳來包貢正鮮腴

陵園敬薦惟時矣因思豆粥蕪蕪艱祇今聲教訖婁蘭坐

享玉食賴

祖澤持盈保泰恒乾乾

大凌河

金根迤邐過初度大凌河戰蹟

當年烈憂懷此日多守成知不易

開創事如何駟牧今銷燧名駒蒸寢訛

大凌河乃當年用武之地今為牧場

矣

錦州道中得詩二首

山村行盡復河干佳景分明緩轡觀鰲嶺雲容頻釀
雪迷茫峰態正生寒已欣積素平鋪玉更望遙空碎
剪紉屈指為期三百六祈年心得幾時寬

風沙礙眼手頻摩憑軾還聽勞者歌只為關山須閱

歷頓教時序暗經過遼西界是遼東界

錦州廣寧等處皆遼西地

統言之則謂之遼東

急水河歸慢水河

急水河發源五指山高流與慢水河通建州諸

水合流為一者也

千古青山愁不染抹雲幾點列青螺

小凌河

顏垣敗壘動經過防禦當年事若何上將生降中左

所監軍坐擁小凌河

明末各路用兵皆有內監監軍若輩擁強兵以自衛驅殘疾使

當戰備事

率由此一時成敗滄桑易千古興亡感慨多幾許

英雄淘洗盡濤聲依舊送迴波

松山

烽銷戍間萬古此松山羽衛經過處頻思

創業艱

雪後過杏山

峯峩羣峰玉筍攢翠微佳色入憑觀疎林蔽芾迷歸
鳥猶帶當年戰氣寒

聯騫銀鳳自飛來獨峙朝陽霽景開古戍黃蘗嘶馬
去題詩遙寄白雲隈

每逢咏雪興偏豪沉對羗峰積翠高此日蕭閒供白
戰曩時辛苦憶黃旄

聞京師於十月初四日得雪喜而有作

六出先時嘉

是月七日方
交小雪節

占年喜未涯同時真是異

是日駐蹕廣寧道中離京千有餘里而千里詎為遐
普露三白之瑞誠天恩之浩蕩也

積素行行看新寒旋旋加遙思上林苑無樹不生花

呂翁山

所過連山塔山皆我

太宗文皇帝用武之地而呂翁山則生擒洪承疇處也蓋

有明末季驟加遼餉至八百餘萬竭天下之力奉東

北一隅未收片甲之用而兵食兩絀人民離畔我

太祖高皇帝一舉薩爾滸而遼左之業成

太宗文皇帝再舉呂翁山而關西之勢定今因叩謁

祖陵親詣其地思經營草昧之艱難爰恭紀其事以示來

許俾念

祖宗得天下之不易益勵守成之志亦以舉其殷鑒明之
鹿亡其必有所以失之之故也

連山相接塔山峰溝壕壁壑凡幾重以守則固以戰
勝將以勇氣吞遼東增募戍卒號百萬重臣經略操
鐵券朝拜恩命暮縲紲舉棋不定曾無算監軍意氣

壯且豪凌駕朝士如兒曹
綿山亘海排鐵騎謂當唾
手成勲勞

太宗從容處以暇精兵已伏杏山下
金支五色雲上蟠明
卒望見魂驚怕奔走禦侮多英賢
投石超距衆閒閒
君臣一德功乃建人心既單必格

天彼志離兮我志合如枯易摧朽是拉不數
唐帝美良川
祇今戰氣猶森颯陸血漂杵海屍浮乘潮
雁驚隨波
鷗一時破竹十三萬傷我十人斫
卒儔清流闕側擒

皇甫煌煌大業開疆土河山帶礪酬勛庸於鑠雲龍
與風虎乃知

皇天惟德親

桓桓謨烈告後人從來守成事不易殷鑒應思鹿失秦文
則為秦塞則否九重宴安豈宜恃不見呂翁山畔上
將降猶設椒漿奠忠鬼

寧遠道中作

朝曦晃文軒峰色罨平楚行行破冷煙溪村復山墅

湯池尚溫滑首山亦崛岉城中梵剎影豐碑何林樹
摩挲認蝌蚪往蹟猶堪覩勝國此雄鎮建牙開幕府
借彼梵王力保此遼東土民怨曾不知佞佛嗟何補

姜女祠

山海關外數里姜女祠在馮祠前土邱為姜女墳望
夫石在其側俗傳姜女為杞梁妻始皇時因哭其夫
而崩長城今山西潞安直隸古北口並此處皆有姜
女祠考杞梁之事見於左傳孟子非始皇時人可知

即列女傳載有崩城之說亦無長城實據也然其節義有可尚者故題以詩並識其梗概焉

淒風禿樹吼斜陽尚作悲聲弔國殤千古無心誇節義一身有死為綱常由來此日稱姜女盡道當年哭杞梁長見秉彝公懿好訛傳是處也何妨

山海關恭依

皇祖聖祖仁皇帝元韻

取豫嚴扃鑰思蒙拓海邊耕桑三輔接形勝兩京連

羽衛初冬度期門曉漏傳

橋山瞻此日

龍步想當年列燬餘晴雪遙林散曙烟迎眸渾似畫撫序

正為權事異九封谷心期舟濟川拳拳思在德

大訓更昭然

在德誠非易臨風更慨然
皇祖詩句也

登澄海樓望海之作

輾轆金軒展祀旋偶臨傑閣眺齋濤漫言此後難為
水試望當前不辨天秦帝關存終失鹿漢皇舟阻未

成仙擬徵坎部留吟句只恐雕龍讓廣川

再題澄海樓壁

我有一勺水瀉為東滄溟無今亦無古不減亦不盈
臘雪難為白秋旻羞共青百川歸茹納習坎惟心亨
却笑祖龍癡鞭石朶蓬瀛誰能忘天倪與汝共濯清

澄海樓聯句

乾隆八年十月十六日自盛京歲事還京道入榆關
登澄海樓望海雪霽千峰波明萬頃天容海色洵屬

奇觀時張照梁詩正侍從因與聯句凡字畫涉水部者概不用仿歐陽修咏雪禁體也

製御康回昔憑怒使地東南傾太始本無始

常盈是不盈雙丸出其裏元氣鼓為營島嶼藐拳

石臣張照

製御軒樓敞繡甍龍蔥疑貝闕仿佛見瑤京鞭石橋終斷

噓煙市乍更星槎何處轉鼇柱若為擎邈矣端倪

豁

臣梁詩正

御製雄哉氣象崢嶸功思四載秦業剩孤城萬壑朝宗此

纖珠茹納并由來無寸土亘古只空明直上到天

險

臣張照

御製橫陳據地振目迷光晶浩耳駭聲砰轟精衛填難盡

長虹駕可成三壺遠縈帶重疊銷飛鯨賦羨木華

博

臣梁詩正

御製吟推玉局英平鋪歷劫雪喜遇初冬晴望嘆曾聞若

來遊誰逐蜻內光含煜煜陰火涼熒熒絕域隨風

達

臣張照

御製

方諸應月呈坎重不失信天一乃居貞比樂韶觀止

如山聖景行空傳香象踏謬執窄蠡評有以謙能

受

臣梁詩正

御製

虛將白自生苞乾恢度量吐日煥晶瑩永奠寰區宴

仙鄉底問程

夷齊廟

盧龍孤竹城夷齊廟在焉史稱夷齊恥食周粟餓死

首陽詩云采苓采苓首陽之巔疏謂在河南蒲坂而
莊子則曰首陽山在岐山西北曹大家云在隴西元
和郡國志謂首陽山在河南偃師說文又謂在遼西
則是首陽凡五各有証據而其為夷齊餓死之處則
一也將孰之從惟遼史所載營州鄰海軍下刺史本
商孤竹國今之盧龍即遼營州地也爾雅所舉孤竹
北戶注謂孤竹在北周時幅員不廣其以此處為極
北固宜然則說文所謂首陽山在遼西者此為近之

殆以詩在唐風而叩馬而諫當武王伐紂之時由是
岐隴蒲偃皆附會其說耳夫夷齊清風在天下何處
非首陽豈爭疆域乎冕旒而墨胎以祀者尤非其志
因係以詩而考其說如此

軒冕泥塗是本腸肯容儒雅污冠裳薇苓依舊西山
岵頑懦羞登夫子堂只謂心慚踪異武敢將口實罪
歸湯豈爭隴右還蒲左天下清風盡首陽

恭奉

皇太后祇謁盛京

祖陵禮成迴鑾途次紀事用平聲韻

予宅維

皇乃眷東

二陵佳氣日龍蔥靈長世次更

昭穆

太室烝嘗懌優同

襟帶山河百二重始基王業此為宗厚如長白千秋

莫博似滄溟萬物客

珠軒環繞混同江

隸旗捕貂採珠者謂之珠軒此外乃使犬使鹿諸部聲教朝

鮮文物邦見說漢皇誇力並齊民割盡只從厖

正是秋霖作勢時巧雲捲盡雨千絲

七月八日啟行已告廟矣

乃自初三日霖雨不止將改禡行而初七日忽爾開霽至今經月總遇晴和士卒免泥淖之苦孰非天恩浩蕩耶

泰華稻秀郊原濶都喜金風次第吹

途經塞北草初肥好試今秋第一圍日暮旌門觀獻

獲龍坳雁磧澹烟霏

壇屋紗窗四面疏
山容罨畫正秋初
題詩何必芭蕉綠
楓葉紅通亦可書

欣飛警蹕萬人趨
御路騰驤汗血駒
敬仰

列朝遺烈在于田
猶識舊規模

曉景霜華點嫩萼
青山落月欲沉西
白盧醅熟傾渾脫
翠釜酥香糝杏泥

親扶

慈輦寸心諧視膳
長承

色笑佳諸部名王將婦子呼嵩道左覲

思齊

木葉峰邊江水迴陪京人望六龍來降原陟嶽

高皇始寶錄千秋自此開

昇平詎敢忘艱辛肇造維清受

命新指點松山洛史氏同驚

文祖果天人

松山乃太宗文皇帝破明洪承疇十三萬軍之處也

高山天作古來聞度室遷居事亦紛欲問當時遺老

盡百年休養富耕耘

聖祖三臨鄔上村如弦馳道至今存金魚鑰啟雙龍闕鐵

嶺山看萬馬屯

翠華琴麗隱鳴鑾故國人爭夾道看歌想大風千載

調恩施時雨萬民歡

至盛京肆赦頒恩一遵
皇祖之制弗敢違也

質明祇肅謁

橋山不禁沈瀾涕淚潛草昧幾多勞

締造坐教清宴御瀛寰

侍臣珥筆屬車邊
賡和詩郵詠有年不是汾陰求錫
羨無須舍諷賦甘泉

緬想

戎衣烽燧銷金甌
萬禩九瀛朝折衝
赳赳嫖姚霍指示堂

堂主吏蕭

憑弔英賢仰

泰交椒盤親酌奠
荒郊蓋臣念祖心
應切佐我推車彙援

茅

父老歡言執承牢肯教此日新恩膏鳳樓畔魏魏
閣猶有當年車甲發

賓客追陪諸部多行行霓彩照遼河雲門曲奏催銀
管寶勒鈴懸過紫駝

漢廷豐沛不須誇中外而今共一家瀟水乍看金鴈
月燕臺旋歷玉為花

崇政清寧儼

御床曾孫累葉仰

重光葛燈土壁猶餘儉開創艱難刻敢忘

自昔周詩詠鎬京
臯門重見拂龍旌
誰云東主西賓
別歸故鄉來弗送迎

澄海樓高據地靈
憑欄縱目俯滄溟
大欽島與秋雲
並只剩如螺一點青

樂府曾聞奏上陵
南陽鼎業此龍興
日臨黃道晶陽
麗風動金鑾玉宇澄

禮成迴輦恆來游
山海逶迤玉露浮
稊穗多遺秋麥

綠吟鞭輒為一停留

九重宮殿宴居深詎悉民間疾苦心百日周行五千

里

蒼穹對越倍生欽

長途羽騎久驂驛牧圉籌量易再三

是役恐遂長馬
疲周命扈駕官

兵皆三
易其騎

關外櫛林全綠隕關中楓葉始紅酣

行宮閒揭却寒簾老菊經霜紫玉纖一路詩題天賜

與白雲蒼岫口重占

許多行色染征衫望輦都人喜氣咸周覽山川識天
險皇圖周豈恃峭函

詩 乾隆十七年壬申

瑞樹歌

長白之山天所作隆崇案衍隣岵嶂衆水之源會其
極中產萬物兩儀神秀鍾於茲萬木傑池鬱爭長間
年皆在循蜚䟽仡時以上厥有瑞樹為之伯如星拱
北羣所瞻仰栖靈祇命圖以來真神奇畢歆河本鳴

綠支船不能進易威呼溯流而上乃至西埭墨勒溪
威呼又不能進捨舟陸行一由旬斯見瑞樹臨厓屢
近樹無凡草金光蔚敷披聳身三丈五尺餘叶七分
去二其合圍上分十有二大枝莖葉輪囷各異姿其
種有八若列眉松檜白楊遮勒穆期紫樺白樺密克
特木及白榆叶自頂至根合十餘丈崢參差靈芝九
本三秀滋是皆紀實非虛詞乃信神壤天所秘未許
塵世尋常窺大椿徒傳八千歲較此奚啻父視兒特

一瑞樹真足陵駕前古史所垂宜乎長白之山開我
國家萬年有道無疆基

欽定盛京通志卷十二